



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pro Tvendo Sacro Coelibatv Axioma Catholicvm

Ceneau, Robert

Parisiis, 1545

Accessio.

urn:nbn:de:hbz:466:1-30468

ACCESSION.

EX apologia Erasmi ad Pium Carpensem , casu se tulit obuiū loc⁹ eiusdē Erasmi, qui dum elabi conatur ē manibus persequentis, vnam hanc calumniam, qua sese, si queat, extricet, adinuenit, ita dicens : Ut doceat Pius matrimonium ratum cedere debere professioni monasticæ, adducit simile de traditione possessionis, aliaq; frigida monachorum commenta. Sed hæc (inquit ille) est vna pestis theologiæ, ex humanis legibus interpretari diuinæ. Nihil perit agro, si rescindatur pactum etiam post traditam possessionem, &c.

Quasi vero donatione transferri dominium, quod reuocari nequeat, prodicit à monastico commento . Ego contrā assecurare ausim, diuersum sentire esse hæreticum & apostatarū commentum: cùm id iure diuino, naturali, canonico, ac ciuili caueatur per donationes omnes legitimas irrevocabile in donatariorum migrare dominium. Quis enim (vt hinc ordinar) non legit illud ex Paulo, Sine pœnitentia sunt dona dei? Itemque ex diuo Iacobo, Omne donum perfectum de sursum est, descendens à patre luminem, apud quem non est transmutatio. Rursum, quid est offerre in toto corpore scripturæ aliud, quā rei oblatæ transferre dominium? ut cum dicitur, Oblatio iusti impinguat altare. Et illud, Honora dominum de tua substantia, & de primitijs omnium frugum tuarum. Et Paralip. vltimo, Latatus est populus, cum vota sponte promitterent, quia toto corde offerebant ea domino. Alioqui frustra dicere tur, Date, & dabitur vobis. Itemq; , Date eleemosynam, & omnia munda sunt vobis, nisi donatione & rei traditione transferretur dominium. Hoc enim intellexit, qui ait : Stultitia est homini deuotare sanctos, & post vota retractare . An id eum fortasse latet, quod nemo ignorat, esse aliquod anathema, quod iure diuino redimi prohibetur, nem̄ transferri aut auferri? Vnde & illud non ex commento (vt falso calumniatur) monachorum, verum ex edito totius ecclesiæ inconcuso pro dij, quod quæ deo dicata sunt, non debent in usus prophanos transferri. Quid enim aliud voluit, qui ait, Gloriam meā (meo scilicet honori aut nomini rem dicatam) alteri non dabo? Sacilegii pœna in Balthasare docet, quām graue scelus committat, qui deo semel tradita alijs usibus applicare audet. Quis igitur tam vecors stupidusque fuerit, qui id secum considerans,

o

219 DE TVENDO SACRO COELIB.
dicere audeat isthac esse hominum commenta: cum & ius in
sum naturae, ciuile que & canonicum, toto ore prædicens do-
nationes legitime factas esse irrevocabiles: adeo ut ius quæ-
sum donatario non possit in alium quempiam eo in uno trans-
ferri? Quod autem subiungit, nihil deperire agro, si in alienum
transferatur, hoc omnes intelligunt. Deperire tamen domi-
no, si res per donationem legitimè quæ sita in alium trans-
ferretur. Iam si donatarius per rei tradictionem nihil acquirit, ut
quid igitur Erasmus munera quæcunque à principibus obla-
ta apud se retinuit? Quæ si quis auferre volueret, quo maxi-
me clypeo ius quæsitus tueri potuisset, nisi eo (quod appelle-
rat) monachorum commento? Aut igitur quæ dono accepit
restituat: aut ingenuè profiteatur, non commentatio, verum
iure & eo quidem certissimo & iustissimo tam diuino, quia
humano, donatione ac traditione rerum legitimum
transferringi dominium. Quod si quis negaverit, in eo
merito desideres sensum etiam communem. Ma-
net itaque apud deum & homines ex dona-
tione & traditione rei irrefragabile
dominium.